

重修廣平府志卷十九

水利略上

渠閘

閘規

漢安帝元初二年二月辛酉詔趙國修理舊渠通利水

道以溉公私田疇

後漢書

唐咸亨四年李仁綽開利物渠自滏陽下入成安并取

天平水以溉田

唐書地理志

宋天聖四年王公言相魏磁洺之田竝漳水者斥鹵不

可耕請河北漕司規度

玉海

元中統三年世祖召見郭守敬面陳水利六事其四言

磁州東北滏漳二水合流處引水由滏陽邯鄲洺州永

年下經雞澤合入澧河可灌田三千餘頃世祖歎賞授

提舉諸路河渠

元史列傳

三年八月河渠司王允中請開邢洺等處漳滏澧河達

泉

案寰宇記龍岡縣有達活水當卽此

以溉民田從之

元史本紀

至元五年十月洺磁路言洺州城中井泉鹹苦民食用

多作疾請疏滌舊渠置壩牐引溢水分灌洺州城濠以

濟民用

元史河渠志

明成化間李進知廣平府於城東南溢河隄畔建閘二

座東西開渠一道南北開副渠六道引水灌田

畿輔水利議

嘉靖三年春正月命成安開水利引漳水灌田

成安志

嘉靖中高汝行知廣平府於滏陽所經建惠民八閘以資灌溉沿河州縣民皆富饒秔稻之盛甲於他郡

畿輔水

利叢書

萬厯三十年保定巡撫汪應蛟言滏水可溉襄國宜設壩建閘通渠築隄高者自灌下則車汲用南方水田法

報可

永年舊志

國朝雍正四年設水利營田四局京南一局兼正定順德廣平三郡之地西帶重巒源泉竝注而交流畢會於大泊所謂形如聚扇而滹滏二河爲之外幹也民於其閒壅流藝稻無煩導課而建閘築岸具有條理廣順之閒

一畝民家有三百願赴工一月間成時啟遞達以灌遂令十畝爲址九十畝爲井井設一長號以字表界以圖識遂業役者是秋廣平熟巡撫桐溪錢公巡按段公可其請廣民孚其施大夫士旅者偉其爲於戲高子之政大矣哉高子字修古正德辛巳進士成安張潤身記略云高公謀諸同知平度張公越通判昌樂張公廷用南充張公玠推官洛陽翟公鏡皆出郊詣二十里東閭村之隄察其土脈形勝可以開焉又度地勢由南胡賈村至北胡賈村凡七里迤邐而東則陳義諸村可以溝焉轉而東南入城濠爲壑庶幾無患也遂令先溝事約十里而通庶民子來不五日而功畢隄下荒田二十餘頃公曰此得水皆腴田也助役者予一畝投名者三百餘家乃檄照磨孫鏜典膳盧弼義官劉汝皋董其事期月而水達於田無滯傲井田法十畝爲址九十畝爲井井立一長外八址別以八卦二十字爲號溝塗封給圖填號付助役之人爲業旣申請於巡撫錢公侍御段公咸允之復建亭三楹於閘之上建水神祠一間於隄之最高處築以周垣庀以雜卉經始於五月庚午落成于七月壬申凡工役材用悉取給於地而民不與焉額曰惠民閘斯役之名稱情也哉然繼其事以奉惠者

者不無望於後賢一應張學顏記略云萬厯丙戌歲大祲丁亥旱愈甚闕村樹實亦且無禾鄉官池守杜君與令王君相與謀曰吾鄉之田賴高公之開民得致力於啟閉歲獲有秋不荒諸天者也茲歲久開圯溝渠壅塞修之不在人乎乃白其事於郡守蔣公邑令張侯惟時方以民饑理賑事聞之喜庀材鳩工俾佃田之家以人力佐役徹其舊而新之不閱月告成澤流潺湲禾畝雲櫛民皆懽然相告欲立石紀功以勸來者問言於予竊謂天生五材民竝用之而水又天地自然之利也茲聞之永高公創之於前蔣公暨張侯修之於後使長民者其作用皆如是時不稱治世哉鄉人感德弗忘亦可以觀民心矣蔣公諱以忠號貞菴吳之常熟人張侯諱可久號心泉河南鞏縣人

阜民閘在城西南八里田家堡明嘉靖四十三年知府

瞿晟建萬厯七年知縣馬翰如重修

同上邑人申佐記略云阜民閘在

府城南田家堡池西前太守瞿公所建事在嘉靖庚申歲至萬厯戊寅夏霪水閘被大水衝齧邑侯馬公愍然

曰是間養稻四千畝有奇願忽然坐視耶明年春卽親臨相度庀材鳩工戒程厓省以復民舊業經始於二月中旬告成於四月中旬旣完公喜動顏色謂茲間之建穡事其有成養育其有資吾政之鬱幸一葺矣嗚呼傳所謂治民祇懼不敢荒甯者非公也耶是舉也匪惟庸以永厥思抑亦可以爲任民社者勸矣公名翰如河南陳留人甲戌進士

潤民閘在城西南十一里王家莊明萬厯十六年知府

蔣以忠建

建閘碑記 肥鄉張學顏記略云萬厯甲申冬貞菴蔣公來守郡明年旱歲大饑公勸賑

開倉餽郡人全活甚衆顧公憂匪懈思所以利民甚至循行阡陌至城西南王家莊永年封域也地斥鹵民難自力公相視地形則淫水南來縈紆隄畔呼里人訟曰爲若建閘疏水北流資灌溉可乎里人且喜且叩曰公憐我敢不盡力趨役乃上其事撫按皆報可公捐俸金若干委陰陽官路文源庀材鳩工永年縣典史唐應秀督之始於是夏五再越月告成不費公不勞民不需以歲月建閘凡二以時啟閉轉斥鹵爲沃壤嘉名用彰厥

惟民民大悅思表公績則要余爲之記以垂不朽公
諱以忠字子孝貞菴其別號也蘇州府常熟縣人隆慶
戊辰進士貳守張君諱維翰別駕
王君諱執法推官王君諱遵訓

濟民閘在城西南十三里西閘村明嘉靖四十一年知

府柳希玘推官楊沛建

建閘碑記 邑人杜秉彝記略

徙奔命石南楊公時司理廣平議獄緩刑冀答天意循
行阡陌見淫水東北築大隄隄下陂鹵不毛地以萬計
集父老曰水之利大閘之惠溥是可開以濟若父老曰
惟命遂請於巡撫近淮董公巡按毅齋楊公兵備見吾
陳公皆報可捐俸五十金助費適郡伯釜山柳公以代
至出粟六百斛以給不逮命陰陽官杜秉倫相地度址
確石鳩工庶民子來河隄建閘表曰濟民隄口重建以
防不虞渠開自西閘村由馬道固營達大小張村十餘
里溝分四十有六灌田九千六百九十畝有奇工肇於
是年之夏四月未闕月而告成中墾荒田二百四十畝
以贍兩學二十畝以贍社學二十畝以贍義塚立老人
總甲以時啟閉勤牛耕督農蒔醵鹵悉化一望秧苗見

者謂爲小江南轉徙如宋大柱王佐輩因而復業者百餘家仍於右路濬大溝直抵洛河越四十里以洩餘水生民不覺其爲勞亦不知其有魅之災矣君子曰自用者忌有我者憇憇則畏惴而不敢忌則激亢而不樂人爲是舉也石南敢爲釜山樂人爲於愛民之仁見和衷之義故記之

案通志舊志縣志皆以王家莊爲濟民閘西閭村爲

潤民閘今據碑記改正

廣濟閘在城西南十三里西閭村濟民閘東百餘步明

崇禎十四年知縣郝綱建

通志參碑記邑人申佳允記略云成化二十年郡伯李

公倣西門豹遺意始創利民閘城南攸賴嘉靖閒高公斟酌水利由大慈村鑿隄砌石引水灌護駕等村分浚溝洫教民秧稻萬姓便之後來建閘六道李公實開始焉七閘之一曰濟民地界西閭村隄上創於嘉靖四十年之秋蓋倡自司理石南楊公云至乙丑之秋再修之則適菴李公襄厥事耳崇禎十三年歲大饑西閭村

隄居民李聯芳擬於濟民閘之東百步許另議建閘一
閘迺於三月初九請啟隄土紅幣金錢重加獎犒衆心
咸奮按畝趨工杵聲震野風雨弗輟抵四月八日告竣
錫嘉名曰廣濟落成之日土人索余一言載諸貞珉故
記之

案以上五閘分灌十三村稻田每年供辦縣署米差
一次永年新志祇載明代創建姓氏本朝二百餘
年豈無修葺略而不載者或以閘座朽壞民間自行
整理官署無案可稽也

善惠閘在城西南十三里馬道固明嘉靖四十二年知

縣朱泰建

舊志

便民閘在城西南十五里大慈村萬曆十五年知府蔣

以忠建

同上

廣仁閘在城西南二十里賈葛村萬厯四十二年知府

張和中建

同上

案以上三閘所溉之田屢被洺水淤塞地勢高峻不能澆灌乾隆元年改爲旱田惟二八月澆灌麥苗用

水啟閘

利民閘本名惠民閘在城東南五里夏家隄村明成化十二年知府李進建因元人舊迹建閘灌田之餘引水入城濠環植蒹葭菡萏舊邑人至今利賴二十三年知府王衡重修改今名萬厯二十八年署知府推官胡東漸

知縣耿鳴雷重修

國朝順治十三年知縣余維樞重修

舊志

今引水灌城池

房冊

李進自記云距府南五里許有曰滏陽河其源出神
麇山其味甘溫引之可澆灌環城之田成化甲辰春進
奉命來知府事越明年乙巳遇旱日夜焦思計無所出
遂相河隄高厚處通一渠引水灌田以紓民憂不再月
溝道通續用椿木輒石包砌臨河開口二座引水灌田
田間東西開通總渠一道南北分開副渠六道副渠之
閒又各通小渠支分區別以便澆灌其澆灌之序每年
二月初一日起至九月終止自東而西周而復始計所
灌田總若干萬畝然慮無人時常看守及委官往來巡
視提督未免豪強攬越水次愚民盜水灌田及日後閘
口渠堰損壞無人修理水利廢弛遂以其事白於按治
柱史柯公准令閘口僉設老人一名人夫三十名總渠
設總甲一名副渠設小甲六名各蠲徭役責令看守巡
視仍專委官一人綜理其事由是巡守有人灌田有序
修廢有託而水利可行也茲將建閘始末永勒於石以
紀歲月若夫隨宜增損使我民享無窮之利端有賴於

後之愛民君子云宏治元年仲春記 王衡記略云余
友曲沃李君時勉以甲辰三月由戶部郎中來知廣平
遭亢旱循行阡陌田稼枯槁無可救者憂形於色於是
謀諸寮案同知王君經通判葉君相劉君甯推官張君
公玉迺相城外異隅五里滏陽河曲地勢高厚可引而
救焉相視莫逆斷然鳩工民皆樂從決渠北注開而落
之時其啟閉以蓄以障以受以洩支分東西灌田若干
萬畝抱城鑿池導水環流種荷植柳芬芳蔭翳因名其
閘曰惠民前此未嘗有也丁未三月時勉以外艱去王
君以僉憲陞余與同知朝邑劉君讓代之思其人而美
其績有餘慕焉若夫贅之未備灌之未均經界之不正
人事之不齊凡可繼而行之以旣時勉已成之功者余
將何辭初聞名曰惠民者時勉名之也謙詞也余復僭
易之曰利民者何不曰民之所利而利之乎不言所利
此時勉之所以爲大也歟 邑人蓋國士記略云永年
有滏河從郡之坤隅來時太守李公諱進者於郡之東
南五里許建利民閘可灌田數百頃實爲濱河數閘倡
首民至今思之歲久河移石菑崩圯醴渠淤塞民不沾
水利者幾二十載郡庠弟子員李一選等因旱魃爲虐
咸思疏濬復故閘乃請於司李胡公公時視郡篆卽日

往視進諸父老曰今縣官仰給東南治水使者相望四出然猶沈璧馬費少府金錢數萬計卒鮮成績矧乘可因之勢收無窮之利今若等引皋陸之水以灌澤斥之區使石田爲沃野奚不可者又請之邑侯耿公公亦如胡公言乃共捐俸貲辦甄石委邑簿段可學庀材鳩工甫越月閘功告竣引水入灌先功最而後次及豪強者無越踰焉向時沮洳沈斥者化爲膏腴萑葦者易而菽麥民沾沐恩厚相與歌曰不有司李孰爲之始不有邑侯孰爲之籌又欲勒石垂久而徵言於不佞竊以爲兩公乘可因之勢鼎不拔之功豈沾沾煦煦者之可比哉余維樞記略云郡城東南五里許舊有利民閘創自城西諸閘之先臨滏陽河上就大隄決渠道導水灌田七百餘畝有總渠副渠凡六道副渠之閒各有小渠支派井如又設老人渠長總甲小甲爲約束啟閉以時運灌以次侵奪者有罰著爲令歲或少雨民蒙其利厯年旣久水齧址不治河亦改徙故道波濤突起若建瓶而注隄上民舍暴潰環城皆瀦焉順治丙申余承乏茲邑載行隄上見故閘淤塞城以外涵泓停蓄水無所制會郡守許公講求水利相與鳩工治事用力則簡舊閘甄石之水地畝較上中下以分多寡用力則簡舊閘甄石之

屬得其半以資贄砌約其費凡鄉紳士民之樂輸私錢之捐助得二百餘金徙舊址稍東表裏建閘開濬溝洫一準諸前法乃隨引水至城南與魁樓相映帶漲則閉之俾水循河故道負郭斥鹵悉成沃壤父老請誌諸石余曰噫唐盧遵云賢者之作必利於民反是罪也余襲前人創建之迹修廢舉墜求免罪云爾烏足以言功哉繼當斯職者因勢通變不靳疏濬培植之勞余跂足待之

安民閘在城東五里上馬頭村明嘉靖四十三年知府

柳希玘建本用灌城東稻田咸豐九年知府王啟會因

利民閘淤淺改啟安民閘引水入城濠同治七年知縣

王德炳援利民閘之例酌減閘旁四村徭役令依時疏

濬勿使淤塞

縣新志余有丁記略云廣平郡東南五里許多沮洳棄地民茭牧其中頻年大水

漂廬舍民弗得甯於是廣平被水害視諸郡獨倍郡守柳侯至則視地形勢相機宜計之曰洩水灌田無如閘

者遂擇日興工旁築崇基重甃累石設層版爲水道開就水降土升不相溷由是棄地皆沃野矣役始於壬戌夏四月畢於六月報成僅閱百日安民閭侯所自命云侯字子敬廬江縣人庚戌進士

便民閘在城東北五里借馬莊順治十九年

縣舊志作十四年

知縣余維樞因舊址修建後廢乾隆九年知縣王玲重

開改藝粟麥民稱其利

同上

久廢光緒十年村民重修引

灌旱田

採訪冊

邑人葉騰鳳記略云永年東南距溢

不數武舊有便民小閘爲一方利賴漳水入溢

溢流潰圯祇遺舊址邑侯余公巡行阡陌見而動念謂此閘復修不毛可爲沃壤諸紳士聞而德焉率鄉民葉正旺李君寵等以復閘請侯曰善鄉人按地出資鳩工聚材不閱月告成爰勒諸石以志不朽侯字慎旃婺源人

通水閘在城東北三里鳳凰口明嘉靖十一年知府李

騰霄建本以洩隄內稻田之水達牛尾河也後因閘外地高於內水發或更倒灌遂廢

國朝雍正八年水利營田府遣官相度卽舊基營建高一

丈六尺寬二丈五尺長四丈砌以甃石外築月隄以護

閘口名曰惠民閘道光十六年知縣玉璜復遷閘於黑

龍潭西後亦以閘外地高閉廢

縣舊志參新志邑令侯可大記略云按前志

城東之閘三南曰利民引水入濠卽以濠爲壑北曰便民以灌隄外田今久廢東曰安民在宏濟橋南數武水入閘口經馬頭分流官路兩旁以灌岸上之田餘水則流於西北其地遂藝稻而北郭地勢下居民病之遂廢康熙四十一年邑令于公有慶從民請復開用以灌田亦不復藝稻後磁州改屬廣郡啟閉旣時泉流斯普京南局營治上八閘稻田稻頗登田亦漸闢官民賴之乃度地至利民安民二閘見渠溝如故議復興水利慮北